

## A béalohe tii te Ioane Atabuhi ko a tii

*Woo na e tii a tii ce?*

Wo Ioane. Omehi Atabuhi ko a tii *1 Ioane*.

*E tii éniile?*

Ha awieme a jo 85 me 100.

*E tii me dee?*

Te ê céiu toomwo na pii kon pie *Kiria*, a ocine ko lépwo acéihi ha a céiu duaan. Wieli lépwo acéihi na lé mu pitapitilé ne pele Gaïus. (Omehi Atabuhi ko a tii *3 Ioane*.) Be é ha a benaamwon naa, ke hiwon ni apulie na lé pwotahi ne ko ni acéihi ne ko Kériso. É mu ko anaa, na time uce nimen me e pipatemehi ni ju niilé ne ha a tii.

*É ko ade na e tii?*

E tii a bécéiuhe tii ten, *1 Ioane*, he e paténe lépwo acéihi ko lépwona lé pacémunilé ko ni pwooti na gele. Ke e tii mwo, be wo lépwonaa, ke lé ko piengen mu ha a céiu duaan, nge ha a céiu duaan, beme lé pipwohuô te lépwo acéihi (1.10–11).

*Ade ace âne a tii ce?*

Lupwo pwooti na junaado ne ha a tii ce (me ati ni tii te *Ioane*), ke a JUJU, me a *pipwoééhe*. A JUJU, ke e âbé mu ko Kériso me a pwooti kon (1.1–4). Omehi mwo a JUJU ne ha a Niinaado (*Vocabulaire*) ha anebwén ko a tii. Heme nye mulie ne ha a JUJU, ke o habwii ne ha a *pipwoééhe* tenye (1.5), ke genye o temehi lépwo apwocémun na lé

pipwohuô, ke time genye o uce picani telé ne he ni penem delé (1.10–11).

### **A bwomune a tii 2 Ioane**

*Pipwobwocu (1.1–3)*

Mulie ha a JUUJU me a pipwoééhe (1.4–6)

Lépwô apipune agele (1.7–11)

Bépinelé (1.12–13)

#### *Pipwobwocu*

<sup>1</sup> Tii te [Ioane] pa ukéiu ne ha a céihi, ne te ê toomwo na e pipégalieng wo Padué, me ni naîn\*. Te nihe eânimung dewé, ke time uce woéo cehi, kehe tai nina lé temehi a \*JUUJU.

<sup>2</sup> Eânimeme tewé, wonaa mu ko a JUUJU na e konye, na e o te mu konye dieli mwo.

<sup>3</sup> Me e mu pelenye a \*pipwoééhe tice ja kon, ke a péém, ke a \*adéihi, mu pele Padué Caa, me Iésu \*Kériso pa Naîn, ne ha a JUUJU ke a pipwoééhe!

#### *Mulie ha a JUUJU me a pipwoééhe*

<sup>4</sup> Te nihe ubwo a pipwodéén dong he é too ni béé naîm, na lé engen ha a JUUJU, âcehi a patén na e ne tenye wo Caa.

<sup>5</sup> É jenea, go êje, ke weengi ana é ilehi: Me pieânimenye tenye! Time uce a patén na mwo coho na é tii me dem, be ana genye caa te hegi ha atabuhi kon†.

---

\* **1:1 1.1** Ê toomwo...me ni naîn—A puco te ni acéihi ha a céiu duaan. Omehi Atabuhi ko a tii. **1:4 1.4** 3 Ioane 3 **1:5 1.5** 1 Ioane 2.7 † **1:5 1.5** Ha atabuhi kon—Wieli a bwopiinen pie He géé tabuhi céihi, ai Ha atabuhi ko a bwohemwo, ai Tabuhi ha a benaamwon na pipatemehi a Pwooti Wâé.

<sup>6</sup> Be a pipwoééhe, ke me genye âcehi ni patén de Padué. Wonaa a patén na caa picaa tewé ha atabuhi kon: *Geé pwo me pieânimewé tewé‡!*

### *Lépwō apipune agele*

<sup>7</sup> Hiwon ni apulie na lé pipwohuô, na lé âbé ne pwo a bwohemwo, ke muhi telé me lé mwomwohi pie wo Iésu Kériso [ke pa \*Mesia na] e âbé ha a éé apulie. Woélé ni apipwohuô ke ni acubwoni Kériso.

<sup>8</sup> Geé pipwocilekewé, beme time geé uce patieden ni acehi ni penem dewé§, kehe me geé hegi a cuhin na hején. <sup>9</sup> Wo paceli e piâ ité koja a pwaaden, ke me time e uce mu ko ni cémun de Kériso, ke te time uce e kon wo Padué. Kehe wo paceli e mu ko ni cémun de Kériso, ke e kon wo Caa me pa Naîn.

<sup>10</sup> Mepie pwo paceli e âbé ne pelewé, ke me te tieden kon a cémun de Kériso, ke geé nemwo hegieng ne pelewé, ke geé nemwo pwobwocu ten\*.

<sup>11</sup> Be wo pana e hegieng, ke e hegi mwo ni naado na ta na e pwo.

### *Bépinelé*

<sup>12</sup> Hiwon ni naado na me é pii tewé, kehe time uce nimung me é tii ne he tii. Be é niimihi pie é bo âdé ne pelewé, ke me genye picihe ibu, ne ha a pipwodéén na hején.

‡ **1:6 1.6** *Geé pwo me pieânimewé tewé*—Grek: *Mulie ha a pipwoééhe.*

**1:7 1.7** 1 Ioane 4.1–3 § **1:8 1.8** *Penem dewé*—ai *Penem deme*, ai *Penem denyé*, ne he ni béé tii iitihi he pwo grek ânebun. \* **1:10**

**1.10** *Geé nemwo pwobwocu ten*—Ai, *Geé nemwo pamwoiueg ne ha a penem den.*

**13** Lé niimiko ni naî ê béém<sup>†</sup> na e pipégalieng wo Padué, ke lé pwobwocu tem.

---

<sup>†</sup> **1:13 1.13** *Ni naî ê béém*—A puco te ni acéihi ne ha a duaan na e mu hen wo Ioane. Omehi *note* ko a niide a tii 1.

**Tii Iitihi: Élele Iitihi na mwo Coho**  
**Cemuhî: Tii Iitihi: Élele Iitihi na mwo Coho (New**  
**Testament)**  
**Nouveau Testament Cemuhî**

copyright © 2017-2018 Wycliffe Bible Translators, Inc.

Language: Cemuhî

Contributor: Wycliffe Bible Translators, Inc.

Nouveau Testament en cemuhi

All rights reserved.

2025-04-30

---

PDF generated using Haiola and XeLaTeX on 29 Apr 2025 from source files  
dated 30 Apr 2025

f8ee0ae8-19d4-5493-b0f2-3132fc194785